



Kamis, 30 Desember 2021
Ogen: Kuan-kuanen 21:5



Rencana Si Megermet



Tading sada wari nari si man dalanen, enggo ka si ujungi tahun 2021, janah bengket me kita ku tahun 2022. Pengarapenta, ipebengket Tuhan kita ku tahun si mbaru, tahun si dem keriahen ras pengharapen.

I bas wari enda perlu kita muat waktu erpaksa teneng. Si tulihken ku wari-wari si enggo si bentasi, kira-kira piga persen nge program si enggo ibahan kita terdalanken alu mehuli janah tercapai rikutken target si itentukan. Subuk i bas pelayanen ntah i tengah-tengah Moria GKP enda bage pe i bas jabu-jabunta sekalak-sekalak. Kenca si idah bas kai terdalanken ras bas kai ka la terdalanken, kentsik si evaluasi bas kai nge ena runga-runga si ngambati pendahin e. E maka alu la buru-buru, ercakaplah ras bapa bage pe anak-anak tengah.

Rikutke renungenta, perlu ibahan perencanaan ku lebe wari enda. Tuhu nge Dibata si erbahansa kita bengket ku tahun 2022 ras si mereken kegeluhen tapi labo salah adi kita erbahan perencanaan. Sabap adi lit rencana/program, ergiah-giah kita ndahiken dahinta ras ndalani kegeluhenta. Apai program si lenga terdalanken bas tahun enda, tah banci denga ilakoken i bas tahun si reh. I bas erbahan perencanaan e mehuli adi i je lit anak, bapa ras nande. Kerina nuriken harapenna ras sura-surana si mehuli ku bas tahun si reh. Icakapken pe uga srtaregi guna nehi sura-sura e, alu ras-ras ertekad si smpat-sampaten, si tatang-tatangen, ras si kelegen. Radu ras anggota jabu kerina, si cidahken biak arih-arih ras kerjasama. Kai perencanaan si enggo ibahan kita e, si baba kerina ku bas pertoton. Gelahna Tuhan ikut campur tangan i bas perjuangan nehi sura-sura bagi si ngena ateNa ras Tuhan pe si mereken ulih si mehuli man kalak si ernalem bana.